

basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI YA 12

TSHIVENDA LUAMBO LWA HAYANI (HL)

BAMMBIRI LA U THOMA (P1)

LUHUHI/THAFAMUHWE 2015

MARAGA: 70

TSHIFHINGA: awara 2

Bammbiri ili li na masiatari a 13.

SIAȚARI LA NDAELA NA MAFHUNGOTHANGELI

1. Bammbiri ili li na KHETHEKANYO THARU:

KHETHEKANYO YA A: Tholokanyondivho (maraga: 30) KHETHEKANYO YA B: Manweledzo/Samari (maraga: 10)

KHETHEKANYO YA C: Phenda na Kushumiselwe kwa

Luambo (maraga: 30)

- 2. Fhindulani mbudziso DZOTHE.
- 3. Thomani khethekanyo INWE na INWE kha siatari LISWA.
- 4. Hune khethekanyo INWE na INWE ya fhelela hone ni talele.
- 5. Nomborani phindulo yanu zwi tshi anana na kunomborelwe kwa mbudziso.
- 6. Ni tshi fhedza u fhindula mbudziso INWE na INWE ni pfuke mutala.
- 7. Nwalani nga vhudele, nahone zwi vhaleaho.
- 8. Ni dzhiele nzhele mupeleto na kufhatele kwa mafhungo.
- 9. Tshifhinga tsho anganyiwaho:

KHETHEKANYO YA A: Minetse ya 50 KHETHEKANYO YA B: Minetse ya 30 KHETHEKANYO YA C: Minetse ya 40

KHETHEKANYO YA A: THOLOKANYONDIVHO

MBUDZISO YA 1: U VHALA U ITELA U WANA THALUTSHEDZO NA U PFESESA

Vhalani **TSHIBVELEDZWA TSHA A** na tsha **B** afho fhasi ni kone u fhindula mbudziso.

TSHIBVELEDZWA TSHA A

- Kha hu ri hu nga Mugivhela maṭavhelo, Vho Nyabele vho fara bakete la maḍi ane vha ṭoḍa u koropa nnḍu yavho ngao, zwenezwi vha tshi tou ndi a pfukisa mulenzhe kha tshiukhuvha vha mbo ḍi ḍipiringedza. Yowee, iwe vhathu! Mukegulu ndi u mbo ḍi khobodo lila bakete, maḍi a tevhuwa oṭhe. Vhone vhaṇe vha mangala vha sa tsha kona u vuwa. Musundwa, uku kusidzana 5 kwavho, ku tshi bvelela kwa vhona mme akwo vho sokou nata fhasi. Ndi izwi ku tshi vha thusa uri vha vuwe. 'Tshukhwi, mme anga a vho ngo vhaisala? Kha vha ri ndi vha thuse,' ndi Musundwa a no ralo. 'Nwananga, haya ndi one maṭudzi. Ni vhona i mini yeneyi? Tshe nda rano a thi athu vhuya nda ṭangana na nyeṭe heyi. Tshi re hone tshi hone. Hai, kha ri ḍo hwi, nga Muhanelwa wa 10 mme anga o kholwaho tshikhuwani, ndi ḍo ni vhudza,' Vho Nyabele vha ralo vha tshi tou rengeḍela thovhela.
- 'Ndaa, ndaa, lo tsha mukegulu. Ri bva ngei Makhado Tshititshini tsha Mapholisa.' Vho Nyabele vho pfa vho tou noka vha tshi vhona mapholisa vho swika afho mudini wavho. U swika afho vha vha vha a vha shela ngao. Atsina 15 Vho Nyabele vho vha vho ruma uyu mutukana wavho Bele ngei vhengeleni u yo renga vhurotho. Inwe goloi ya sokou bvelele, i kha luvhilo ya swika ngei hu re na Bele ye tsere. Khathihi fhedzi vha mbo di mutukana hwamu, ya vha yo ya. Latani we a vha a tshi zwi vhonela kule, ho ngo zwi dzhiela nzhele uri Bele u khou tou tswiwa. Izwi o vho tou zwi talutshedza nga murahu ha musi 20 mapholisa vho no da afho mudini.
- 'Mukegulu, mafhungo ndi aneo, ngavhe i si tou vha khombo ye tshiendedzi itsho tsha i wana, ndi musi nwana wavho o ya nalo, a yo rengiselwa mashangoni a kule.' Ndi munwe wa mapholisa a no ralo. Mudzimu u a lwela vhane vha sa kone u dilwela. Ayo mafobvu a nga vha o dowela uri 'tshe a la 25 vhana vha ndau', fhedzi vho vhona u tsha halo vhe mafobvu, ngauri li khou kovhela vhe khothoni. Bele o do fhedza o valelwa vhuongeloni vhunga tshanda tshawe na mulenzhe zwo vha zwo dzheniswa semennde.

45

- Mathina vhathu vha shumaho izwi, a vha zwi iti shangoni lavho. Haya mafobvu o vha a tshi khou amba nga Tshizulu, kana ndi u zwifha we? Bada ye vha vha vha tshi khou tshimbila khayo vho vha vha sa i divhi, u reila na hone hu sa koniwi zwavhudi. U bva fhala vho no hwamula Bele, vho takuwa nga luvhilo, vha fhedza vha thulana na inwe goloi khulwane. Mapholisa vha tshi ri vha a sedzulusa iyo goloi, vha wana yo tou tswiwa Mpumalanga. Hee vhathu, vhathannga dzhele vha do hu dzula! Kha ri yeha kha madzina a re kha 35 bugundaula dza avho vhathannga na ayo a re kha garata dza thanziela dza u reila ha fani.
- Vho Nyabele vho vhona mboni. Nwana u ngei vhuongeloni u khou fhola. U 5 guda a hu fheli, mashudu ane a nga a Vho Nyabele a a konda u swika kha muthu. Kha Malindi wa Lube a zwo ngo ralo. Na namusi vhatodi vha tshe 40 ngeyo. U tou ri kha vha mpfarele nwana ndi ye u nwa madi, a mbo di vha ndi matutshele. Kani afha, kana fhala, vhanwe vhe o ambara tshithu tsha muvhala wa tada afha ntha, na linwe na linwe ndi mulapfu, na linwe na linwe ndi mutswuku; lushie lwa vha lwo milwa nga aredi lu sa athu swika na hayani. Muthu a si khuhu ha vhambadzwi, nahone u beba a si u ka muroho.
- 6 Duvha la u senga la vhala vhathannga la mbo a thi tanwi. Afha khothe ho vha hu si na na vhupfelo ha mare. U tshi ri pholisa wa lifha, na mmbwa dza u fembedza. Vhathu vho vha vho hwala na dzipulakhadi dzo ńwalwaho u pfi 'VHA SONGO NEWA BEILI, VHA FELE DZHELE, U PHUKHA, A U MUTHU, ' na zwińwe. Tsedzuluso dze dza itwa nga mapholisa dzo bvukulula 50 zwinzhi, dza vha phindulo kha milandu ye ya vha yo sokou ima tshikhalani. Mulifho wa mmbwa iteli ndi thoho yayo.
- 7 Musidzanyana we a do vhuya a tswiwa ngei getheni ya mudi wa hawe o lindela tshiendedzi tsha u ya tshikoloni ngei Soweto, zwo vhuya ntha ha thoho dzavho. Nndu ye vha vha vha tshi dzumba vhathu khayo ngei 55 Thembisa, yo do dalelwa nga mapholisa na mmbwa dza u fembedza. Zwe mapholisa vha zwi wana tsho vha tshimangadzo, ndi vhathu vho thubiwaho vhane vha pfi vha khou iswa mashangoni a seli khathihi na zwidzidzivhadzi. Muhatuli o vha nea zwo vha fanelaho. Dzhele ha mbo vha haya ha tshothe.
- 8 Vho Nyabele na vhanwe vha pfa vho rulea. Bele o ri u vhuya vhuongeloni, a di 60 ya a tshi khuthadzwa nga vhashumelavhapo. Mapholisa vho eletshedza lushaka uri hune ha vha na vhana, vhahulwane kha vha vhee ito uri vha si dobiwe nga magoni haya.

[Zwi bva kha *Thimu ya Vhatoli*]

1.1	Ndi tshini tshe tsha itisa uri Vho Nyabele vha we?	(1)
1.2	'Tshi re hone tshi hone.' (mutaladzi wa 10). Maipfi aya a Vho Nyabele a na vhutumanide na zwe zwa bvelela nga murahu?	(2)
1.3	Ţalutshedzani uri ndi tshini tshe tsha ponyokisa Bele kha nyimele ye a vha o ţangana nayo.	(2)
1.4	Ndi zwifhio zwe Vho Nyabele vha vho tea vho ita musi vha tshi ruma Bele vhengeleni uri a vhe o tsireledzeaho?	(2)
1.5	Nangani phindulo yoneyone kha mutevhe wo nekedzwaho.	
	Mafhungo e na vhala a sumbedza uri	
	 A Mapholisa vha tshi ya ha Vho Nyabele vho vha vho no vhuisa Bele hayani. B Bele o fhelekedzwa nga Latani vhengeleni. C Mapholisa vha tshi dzhena, Vho Nyabele vho mbo di noka. D Bele a tshi dzheniswa goloini, Latani ha ngo zwi limuwa uri atsina hu na zwińwe. 	(1)
1.6	Ipfi 'hwamula' (mutaladzi wa 32), <u>l</u> i ni disela muhumbulode kha mafhungo e na vhala?	(2)
1.7	Ţalutshedzani masiandaitwa e mafobvu aya a divhangela mafhungoni aya.	(3)
1.8	Kha mutaladzi wa 61 hu na murero. Ni vhona u tshi kwama hani kupfesesele kwanu kwa mafhungo aya?	(3)
1.9	Ni vhona mafhungo o iteaho kha Malindi wa Lube a tshi tendisea naa? Tikedzani phindulo yanu.	(2)
1.10	Nga u vhona haṇu, ndi zwifhio zwine zwa tea u itwa u thivhela vhutshinyi ho raliho?	(2)

TSHIBVELEDZWA TSHA B



[Zwi bva kha Peak out, 2010]

- 1.11 Nga mutaladzi muthihi, bulani ndivho khulwane ine munwali a todou i bvisela khagala nga tshifanyiso itshi. (2)
- 1.12 Itshi tshifanyiso tshi khou tana tshigwada tshifhio tsha vhathu? Tikedzani phindulo yanu. (2)
- 1.13 Vhudipfi hanu ndi vhufhio kha nyimele ine ya khou bvelela kha tshifanyiso itshi? Tikedzani phindulo yanu. (3)
- 1.14 Ni vhona u nga hu na vhutumani vhukati ha mafhungo a TSHIBVELEDZWA TSHA A na ayo a tsha B? Khwathisedzani vhuimo hanu. (3)

THANGANYELO YA KHETHEKANYO YA A: 30

KHETHEKANYO YA B: MANWELEDZO/SAMARI

MBUDZISO YA 2: U NWELEDZA NGA MAIPFI AŅU

TSHIBVELEDZWA TSHA C

Ni mutikedzi muhulwane wa bola ya milenzhe i divheaho vhukuma. Nweledzani, nga maipfi anu, **zwe zwa itisa uri thimu iyo i divheaho i kundwe** kha mutambo wa ilo duvha afho mafhungoni a wanalaho kha TSHIBVELEDZWA TSHA C.

THANYELANI: Ni lavhelelwa u ita zwi tevhelaho:

- 1. Manweledzo anu a songo pada maipfi a 90.
- 2. Nwalani **mbuno dza 7 dzi kha phara** i pfalaho.
- 3. A ni lavhelelwi u dzhenisa thoho ya manweledzo.
- 4. Sumbedzani tshivhalo tsha maipfi mafheloni a manweledzo anu.

TSHIBVELEDZWA TSHA C

Thimu ya shangoni la hashu yo vha i tshi divhelwa u kunda kha mitambo ine ya i tamba. Hone kha uyu mutambo yo diwana i tshi khou kundwa. Ho vha na zwiitisi zwa tshivhalo zwe zwa vhanga uho u kundwa.

Mutambimakone washu o vha e khuvhabvu ye ya newa minwedzi ya rathi a sa tendelwi u tamba na u ita nyonyoloso nga dokotela wa thimu. Hezwi zwo vha zwithu zwi vhavhaho nga maanda. Tshinwe tsho dinaho ndi mushumo wa mupfumbudzi wa thimu, nge wa vha wo mu ruma Cape Town u gudela zwa mushumo. Honeha, ho vha hu si na tshine a nga ita vhunga a tshi tea u tundela vhana vhawe. U sa vha hone ha mupfumbudzi, vhanwe vha vhatambi vho vha vha tshi ita zwine vha funa nga tshifhinga tsha nyonyoloso. Naho ho edziswa u kaidza, vhanwe a vho ngo zwi dzhia, vho isa phanda na u nyadza muthusamupfumbudzi. Vhanwe vha vhatambi vho vha vha tshi vho didela mudavhini wa nyonyoloso vho lenga, vha di dovha vha tuwa tshifhinga tshi sa athu u swika. Vho vha vha tshi zwifha nga mishumo ya tshikolo.

Thimu ye ra vha ri tshi khou tamba nayo yo vha yo nyadzea lwe munwe na munwe a humbula uri ri do i kunda vhunga yo vha i sa athu u ri kunda na luthihi tshe ra tamba nayo. Ro vha na mashudumavhi, ngauri yo vha yo dilugisela vhukuma. Wo vha u si nga si kholwe uri ndi ila thimu ye ra vha ri tshi tou tsumbudza.

Tshinwe tshe tsha dina ndi ha musi vhatambi vha sa thetshelesi malugwane, lwe ha fhedza ho newa vhatambi vhashu vhavhili garana tswuku, ra vho sala na vhatambi vha sa tsha swikaho tshivhalo tsho teaho. Hezwi zwo nanisa u kundwa nge ra vho korwa zwikoro zwa tshivhalo.

Vhatambi vho dovha vha sumbedza u shaya vhudikumedzeli ha tshothe nge munwe na munwe a vha a tshi vho tambela ene mune. Hula u divhelwa u shuma sa thimu a ho ngo tsha vhonala, zwa vhanga u kundwa zwi songo fanela.

Hezwo zwothe zwo nea thimu na vhalanguli vhayo ngudo ine vha sa do i hangwa vhutshiloni havho.

[Zwi bva kha Thimu ya Vhatoli]

THANGANYELO YA KHETHEKANYO YA B: 10

KHETHEKANYO YA C: PHENDA NA KUSHUMISELWE KWA LUAMBO

MBUDZISO YA 3: TSENGULUSO YA KHUNGEDZELO

TSHIBVELEDZWA TSHA D: KHUNGEDZELO

Talelani khungedzelo i tevhelaho uri ni do kona u fhindula mbudziso dzo disendekaho khayo.


MOPANI

Vho lindelwa fhano hayani ha phukha dza tshakhatshakha.

Vhaendelamashango na vhana vha zwikolo iteli ndi hone hayani havho.

A hu na o lindelwaho nga nnda ha vhone.

Vha si hangwe, mulakhulu u a fhinduwa.



Kha vhana vha zwikolo vha dzhena nga fhedzi arali vho vhaledza.

Hu na luafhulelo kha vhaendelamashango na vhanwevho arali na vhone vho vhaledza.

Kha vha de vhothe nandi! Vha thuswe nga vhathu vha vhulenda.

Vha tshi ri toda vha nga ri wana Phalaborwa tsini na poswo, kana vha ri kwama kha nomboro dzi tevhelaho: 079 737 8357.

[Zwi bva kha, Skyways Luhuhi 2012]

3.1	Mushumo wa khepusheni kha khungedzelo iyi ndi ufhio?	(2)
3.2	Sumbedzani ndivho ya murero uyu afho he wa shumiswa hone:	
	'Mulakhulu u a fhinduwa'.	(2)
3.3	Talutshedzani ndeme ya u dzhia sia hu re khagala ho shumiswaho kha iyi khungedzelo.	(2)
3.4	Ndi mini tshine tsha khou kunguwedzwa kha iyi khungedzelo?	(1)
3.5	Nangani phindulo yoneyone kha mutevhe wo nekedzwaho.	
	Khungedzelo iyi yo livhiswa kha	
	 A vhana vha zwikolo. B vhaendelamashango. C vha vhulenda. D A na B 	(1)
3.6	Nga kuvhonele kwanu, khungedzelo iyi i a kunga naa? Tikedzani phindulo yanu.	(2) [10]

MBUDZISO YA 4: U PFESESA ZWINWE ZWIŢALUSI ZWA VHUDAVHIDZANI

Talelani khathuni i tevhelaho uri ni do kona u fhindula mbudziso dzo disendekaho khayo.

TSHIBVELEDZWA TSHA E: KHATHUNI



- 4.1 Talutshedzani zwine muoli wa iyi khathuni a khou toda u zwi bvisela khagala. (2)
- 4.2 Topolani akhronimi yo shumiswaho kha iyi khathuni, ni dovhe ni sumbedze zwe ya imela zwone. (2)
- 4.3 'Mmbwa' kha iyi khathuni ndi tshiga. Ndi ufhio muhumbulo muhulwane we wa ita uri muoli a dzhenise 'mmbwa' kha khathuni iyi? Tikedzani phindulo yanu. (2)
- 4.4 Nangani phindulo yoneyone kha mutevhe wo nekedzwaho. Musi muoli wa khathuni a tshi ri; 'Vhareili vha mabufho vha tou rali', o shumisa luambo lu nyanyulaho lwa ...
 - A U dzhia sia
 - B Luvhengelambiluni
 - C U kwengweledza
 - D Phurophaganda. (1)
- 4.5 Nga kuvhonele kwanu, ni vhona i ifhio aironi ine muoli wa khathuni iyi a todou i tana? Tikedzani phindulo yanu.

(3) [**10**]

MBUDZISO YA 5: NDIVHO YA KUSHUMISELE KWA LUAMBO

Vhalani **TSHIBVELEDZWA TSHA F** uri ni do kona u fhindula mbudziso dzo disendekaho khatsho.

TSHIBVELEDZWA TSHA F: PHUROSA

1	Ndi nga zwenezwi zwifhinga zwa dziholodeni hune ra wana i tshi tou vha	
	mupfufhi u si mphire kha vhunzhi ha vhathu. Vhoramabindu na	
	vhaqivhalea vha dalela dzihodela nga u fhambana hadzo. Vhanwe vha	
	takalela u dimvumvusa na u awela na mita yavho, ngeno vhanwe kha sia	
	la zwirengwarengwa vha sa fhirwi. Ndi nnyi ane a sa fune zwivhuya. Ndi	5
	henefha hune ra wana vhala vhane vha tshila nga u dzhiya zwa vhanwe	
	vho tou halifha tshothe. U tangulwa zwe muthu a zwi bvela biko zwi a	
	vhavha vhukuma ngauri u vha tshipondwa tsha mavemu. Musi vho no	
	tangula, vha shavha nga luvhilo luhulu.	
2	Khevha vha muta wa ha Neluonde vha tshi khou dilugisela u ya	10
	mavhengeleni u renga. Vha thoma vha dzula fhasi vha langana kha zwa	
	vhuthogwa zwi todeaho mutani. Mme a Lusani vha tshi laya vhana	
	vhavho vha ri: 'Ni tea u digudisa u vhulunga masheleni anu.' We a tou	
	nga ha zwi pfesesi ndi uyu wa muthannga o phasaho gireidi ya 11, nge	1 -
	ene a vha o lavhelela uri vhabebi vhawe vha tea u mu rengela	15
	luțingothendeleki. A ri e nga fhala e, 'Tshelede ye ya vhulungwa u bva	
	nwaha u tshi thoma i tea u shuma musi wa dziholodeni.' Vhabebi vha tea	
	u gudisa vhana vhavho kufarele kwa masheleni vha tshee vhatuku.	

- 5.1 Kha mutaladzi wa 1 hu na dzina lo tou pambiwaho. Li topoleni, ni dovhe ni li shumise fhungoni lanu no li isa kha vhuthihi. (2)
- Hu na tshiga tsha u vhala tsho khakheaho tsho shumiswaho kha fhungo li re kha mutaladzi wa 5. Nwalululani fhungo ilo no li khakhulula nga u shumisa tshiga tsha u vhala tsho teaho.
- 5.3 Isani lifurase lo sendamiswaho/talelwaho fhungoni li tevhelaho kha khanedza: Vhabebi vha tea u gudisa vhana vhavho kufarele kwa tshelede vha tshee vhatuku. (1)
- 5.4 Kha mitaladzi wa 7–8, hu na lifurase la litaluli. Inwi li topoleni ni li nwale li kha tshifhinga tshi daho. (2)
- 5.5 Kha mutaladzi wa 9 hu na lidadzisi la maitele. Li topoleni ni dovhe ni li shumise fhungoni lanu. (2)

5.6 Isani fhungo li tevhelaho kha luambo lwa u vhiga.

Mme a Lusani vha tshi laya vhana vhavho vha ri: 'Ni tea u digudisa u vhulunga masheleni anu.'

(2) [10]

THANGANYELO YA KHETHEKANYO YA C: 30

MARAGAGUŢE: 70